

增訂春秋世族源流圖考

增訂春秋世族源流圖考

增訂春秋世族源流圖考序

春秋世族圖一書爲

國朝陳太史曙峯先生撰已收入四庫館矣惜刊本無多士君子不能家有其書也乾隆五十四年浦陽吳九成先生著春秋集義取以刊附卷末播惠士林爲功良鉅

徠

家舊有寫本惜未

標名初不知爲何人作嘗病其譌誤過多苦於無從校正訪求刊本數十年不獲見後得溧水張氏嘉慶癸酉年鐫本讀其序文蓋卽從春秋集義中摘出者乃署名曰張道緒輯而曙峯先生之名則削而不存鄙心竊滋疑焉疑夫是書或竟有兩本耶抑或溧水之本於曙峯先生本別有所增益耶用是蓄疑者又數年嗣於友人處得浦陽刻本取而校對之乃知溧水之本寔

卽曙峯先生之本也寔別無所增益也 徠 旣稔知此本爲曙峯

先生作然猶惜其中尙有舛錯且不免簡略未能使閱者了然
於目在在得所考詳因重加校訂蒐羅各家之書凡前後竭三
四年之力遇有缺遺者增補之譌誤者訂正之世代支派必加
註釋並於各國之所自始所由終有可考資者不憚窮源竟委
以期無漏無遺非敢多事筆墨寔欲有裨觀覽是則區區之心
所竊欲求其完備而無能自己者爰綴數語以道其緣起俾讀
是書者咸知曙峯先生爲初寫蘭亭此又數典不忘之微意時
道光二十年歲庚子夏五月朔日也祥符常茂徠秋厓氏識

增訂春秋世族源流圖考

例言

一是編原爲考核春秋而作故舊本斷自春秋始迄春秋末止其春秋以前及春秋後概不錄取以非春秋之時且以有史記可考不俟煩絮爲也然究不如並其始末源委詳著之令閱者開卷卽知此國從何而起至何時止不必復考史冊最爲簡便故茲編於每國先自其始封起遞書爵名至入春秋則界方以別之迨春秋後仍遞書爵名不復界方所以別主賓無混淆也其在春秋前有支子或封國或受氏者預爲標明使知爲某某之祖如吳爲泰伯之後東西號爲號仲號叔之後魯爲周公之後卽於大王王季

文王下旁系泰伯號仲號叔周公諸人魯展氏爲公子展之後郈氏爲郈惠伯之後卽於孝公下旁系公子展惠伯之類由其支以推其本自其始以要其終亦稽古者之一快事也故舊本名春秋世族圖茲編易其名爲增訂春秋世族源流圖考云

一是編舊本自周魯起至吳越止著世次者凡二十國餘皆總彙爲小國諸侯名號及小國諸臣名氏附於卷末茲復摘出號虞唐紀鄧燕邾小邾胡沈蕭十數國稍有可考者續編於吳越之後其有臣名可考者亦俱附之餘仍彙爲小國諸侯名號及小國諸臣名氏總附於後又復摘其以爵稱以人稱及僅以國名見於春秋者次第分編附諸卷

末以期全備

一是編舊本止畫其世系不註某人之祖若父某人之子若孫原取簡便但其中多有無可考者亦悉按隱桓各公年例編次未免易致舛錯使閱者不能了然於目茲特於有可考者一一註明某人之祖某人之父某人之子若孫其無可考者不敢妄爲臆斷旁註未詳二字姑存其闕俟高明者裁焉

一各國雜姓氏名號舊本於每一國後按年編次一人以一圈界之茲復擇其中有系可考者如某人爲某人之子某人爲某人之後某人爲某人之兄若弟或同族同姓者一一標出分附於各國諸臣世系之後其餘仍彙爲雜姓氏

名號又復摘其一人數名字者列之於前界以方格其單姓名者附之於後按年次第仍一人以一圈界之庶令閱者便於觀覽

一是編原爲考核春秋世系其非春秋時人宜不必濫入如王朝王子系中之王孫牟周雜姓氏中之蘇忿生周任史佚芮良夫檀伯達辛甲辛有之類俱非春秋時人舊本皆一體編入茲槩爲刪去使無混雜其或間有非春秋時人而春秋之人有爲之後者亦仍存之以著世代

一舊本間有重複者如衛析朱鉏成子爲公孫剽之子子叔黑背之孫鄭公子堅爲鄭襄公之子旣列之本支而雜姓及公子系中又復收入鄭曼伯鄭公子也已載之公子系

中而雜姓又復收入子侯一人也而雜姓中凡兩收又如
楚郤氏卽伯氏之郤宛也箴尹固卽蔣氏之鍼尹固也芋
尹無字卽申氏之芋尹申無字也而本支旣入雜姓復見
吳由于卽王孫由于也而公子系及雜姓又兩收以一人
作兩人諸如此類易滋尤亂不能不悉爲更正使歸畫一
一舊本間有誤入者錯入者如皇武子鄭卿也誤收於宋之
皇氏內襄二十六年晉戍茅氏杜註茅氏戚東鄙此衛之
地名也而誤以爲人名襄三十年齊工倮灑涖竈孔虺賈
寅出奔莒按工倮灑爲襄十九年工倮會之後見六經圖
考乃錯以工倮爲一人而以灑字屬下作灑涖竈魯之公
冶季氏屬大夫卽季氏族也其名見於襄二十九年乃收

入雜姓而復附於季孫氏後添出一季字作季公冶季公
冶左傳並無其人惟國語有季冶子冶註云季氏之族子
究未有作季公冶者凡此名字錯誤尤失考詳均不能不
一一更定

一編中如鄭之叔詹文公弟也見史記宜附於本支魯之豎
牛叔孫豹子也見世族譜宜附於叔孫氏晉之箕襄邢帶
韓氏族也宜附於韓氏士魴析成魴宜附於范氏齊之晏
父戎宜附於晏氏楚之子閭子蕩清尹弗忌俱屈氏族也
宜附於屈氏舊本皆收入雜姓茲俱摘出附於各姓世系
之後他如宋子朝宋之公子也收入衛雜姓中而宋之公
子系中不見其名亦覺未盡完備茲並爲補出而又於一

人之仕於兩國擇其尤著名者按所仕之年代兩收之非
故爲重複正以考詳其始末也

卷三

衛

鄭

卷四

齊

姑爲重鄭五以卷籍其故未也取人精義世中而宋之公
人之外休兩國對其法善台善幾傾世之半升兩郊之非

增訂春秋世族源流圖考目錄

卷一

周

魯

卷二

晉

卷三

衛

鄭

卷四

齊

宋

卷五

楚

秦

陳

蔡

卷六

曹

莒

杞

滕

薛

許

邾

吳

越

號

附東號

虞

唐

紀

鄧

燕

附南燕

郕

小邾

胡

沈

蕭

小國諸侯名號

小國諸臣名氏

小國以爵稱以人稱者

小國國名見於春秋者

增訂春秋世族源流圖考卷一

吳陵陳厚耀曙峯原本

祥符常茂徠秋厓增訂

周世系圖

姬姓黃帝之苗裔后稷之後武王克殷有天下歷八百六十七年四百年在春秋前二百四十二年任春秋中二百二十五年在春秋後

后稷

不窋

譙周按國語云世后稷以服事虞夏言世稷官是失其代數也若不窋親棄之子至文王千餘歲唯十四代亦不合事情

鞠——公劉

慶節——皇僕——差弗——毀隃

世本作偽榆

公非

世本作公非辟方皇甫謐曰公非字辟方

高圉

世本云高圉侯牟

亞圉

世本云亞圉雲都皇甫謐云雲都亞圉字索隱曰漢書古今表曰雲都亞圉弟

公叔祖類

世本云太公組紺諸懿三代世表稱叔類凡四名大皇甫謐云公祖一名組紺諸懿字叔類號太公

太王

宣父

王季

季歷

文王

昌

武王

發

成王

誦

康王

釗

泰伯仲雍

伯邑考